



KENYATAAN MEDIA KEMENTERIAN KESIHATAN MALAYSIA

PENJELASAN BERKAITAN ISU KEPERLUAN PEGAWAI PERUBATAN DI HOSPITAL KUALA LUMPUR DAN HOSPITAL TUNKU AZIZAH

Kementerian Kesihatan Malaysia (KKM) merujuk kepada surat daripada Hospital Kuala Lumpur (HKL) yang tular berkaitan dengan isu kekurangan Pegawai Perubatan di HKL dan Hospital Tunku Azizah (HTA) berikutan pertukaran keluar Pegawai Perubatan dari HKL bermula pada 18 Julai 2022.

Untuk makluman, surat yang dikeluarkan oleh pengurusan HKL tersebut adalah bertujuan melaksanakan penyelarasan dalaman bagi memastikan penyampaian perkhidmatan kesihatan khususnya di Jabatan Kecemasan HTA terus berjalan lancar.

Selaras dengan pertukaran keluar Pegawai Perubatan dari HKL dan HTA pada 18 Julai 2022, KKM juga telah merancang pertukaran masuk Pegawai Perubatan dari negeri lain ke HKL dan HTA pada tarikh yang sama bagi menggantikan Pegawai Perubatan yang bertukar keluar. Urusan pertukaran ini adalah prosedur biasa yang dilaksanakan oleh KKM bagi melaksanakan arahan dan memproses permohonan pertukaran pegawai dari semasa ke semasa.

Sehubungan itu, isu berlaku krisis kekurangan Pegawai Perubatan di HKL dan HTA adalah tidak berbangkit.

Sekian, terima kasih.

KEMENTERIAN KESIHATAN MALAYSIA

1 JULAI 2022